

Siaran Media: Permohonan dan Kemaskini Bantuan Rakyat 1Malaysia 2017

📅 Isnin, Dis 05 2016

PERMOHONAN & KEMASKINI BANTUAN RAKYAT 1MALAYSIA 2017 DIBUKA MULAI 5 DISEMBER SEHINGGA 31 DISEMBER 2016

1. Sukacita dimaklumkan, permohonan dan kemaskini maklumat Bantuan Rakyat 1Malaysia tahun 2017 (BR1M) akan dibuka mulai **5 Disember 2016 hingga 31 Disember 2016**. Pemohon boleh membuat permohonan/ kemaskini melalui kaedah berikut:

Permohonan secara Manual, pengisian Borang	Permohonan/ Kemaskini Dalam Talian
- Borang BR1M 2017 boleh didapati secara percuma di mana-mana Cawangan LHDNM / Pusat Khidmat Hasil (PKH) LHDNM / Pusat Transformasi Bandar (UTC) LHDNM. - Pemohon juga boleh memuat turun borang permohonan di portal rasmi BR1M di https://ebr1m.hasil.gov.my (https://ebr1m.hasil.gov.my/) atau www.treasury.gov.my (http://www.treasury.gov.my) - Pemohon perlu menyediakan dokumen tambahan seperti salinan pengenalan waris/ tanggungan, dokumen slip pendapatan atau lain-lain dokumen yang berkaitan.	- Permohonan juga boleh dibuat di Portal Rasmi BR1M LHDNM, https://ebr1m.hasil.gov.my (https://ebr1m.hasil.gov.my/). - Permohonan dalam talian hanya boleh dibuat menggunakan komputer sahaja dan salinan permohonan perlu disimpan bagi tujuan rekod. Aplikasi eBR1M tidak direka bentuk untuk capaian peranti mudah alih.

2. Pemohon perlu mengemukakan maklumat peribadi dengan lengkap dan perlu dinyatakan **maklumat waris, maklumat akaun bank dan nombor telefon yang boleh dihubungi**. Penerima BR1M 2016 (sedia ada) juga perlu membuat pengemaskinian maklumat terkini. Permohonan yang tidak lengkap akan menyebabkan permohonan tidak dapat diproses atau gagal.

3. Notis dan surat pemakluman lulus atau gagal akan diposkan kepada pemohon mulai minggu kedua bulan Februari 2017. Bayaran bantuan BR1M akan mula dikreditkan ke akaun penerima secara berperingkat pada pertengahan bulan Februari 2017.

4. Kerajaan berhasrat pembayaran BR1M tahun 2017 dapat membantu meringankan beban kos sara hidup rakyat. Sekiranya terdapat sebarang pertanyaan lanjut, boleh menghubungi talian bebas tol 1800-88-2716 serta email kepada: br1m@treasury.gov.my

**Kementerian Kewangan
Putrajaya
5 Disember 2016**

📎 Borang BR1M 2017 (/pdf/Borang_BRIM_2017.pdf)